

DURANGO. Bidezabal atletismo taldearen eta Berbaroren laguntzeagaz eratu dabe



Bidezabal atletismo taldeko lehendakaria, EGUNKARIA-ko ordezkaria eta Berbaro Alkarteko kidea.

EGUNKARIA-k Joseba Jakaren Oroimenezko I. Herri Lasterketea eratu dau

Abenduaren 6an izango da 8,5 kilometroko lasterketea, Durangon

Aitziber Basauri |

Joseba Jakaren Oroimenezko I. Herri Lasterketea eratu dau EUSKALDUNON EGUNKARIA-k, Bidezabal atletismo taldearen eta Berbaro euskara alkartearen laguntzeagaz. Abenduaren 6an izango da lasterketea, Durango-ko Ezkurdi plazatik urtenda; antolatzaileek 8,5 kilometroko bidea gertau dabe. Euskal Herriko Herri Lasterketen III. Txapelketaren azken proba izango da Joseba Jakaren oroimezko lasterketea; eta, 500 bat korrikalari batzea itxaroten dabe.

EGUNKARIA-ko ordezkari Kike Zurrutuzak nabarmendu dauenez, Joseba Jaka «euskalgintzan eta kulturagintzan garrantzi handia euki dauen pertsona»

gogoratu eta omendu gura dabe ekimenagaz. «Eta, kirola eta euskerea buztartzeko helburuari oratuta pauso barri bat emon dogu; eta, Durangoko Euskal Liburu eta Disko Azokako egunok egokiak deritxaguz».

Ezkurdi plazatik urtengo dau herri lasterketeak abenduaren 6an. Hitzordua 10:45ean jarri dabe, eta helmuga kontrola ordu eta laurdenera izango da. Bertan, Euskal Herriko Herri Lasterketen III. Txapelketaren irabazleak be zehaztuko dira. «Kategoria gehienetan zehaztuta dagoz irabazleak; halandabe, Durangon zehaztuko dira denak». Roberto Ruiz, Gonzal Sanz eta Rafa Maritxalar aitatu dauz, mutilen kategorian; eta nesken artean, Itziar Urdan-

garin, Eli Martinez eta Blanca Marin. Nabarmendu dauenez, «kalidade handiko» korrikalarietako jardungo dabe; eta irabazleek urriaren 19an Amsterdane-ko maratoi erdian parte hartuko dabe. «Aurton, bigarren gertatu da Amsterdane-ko maratoi erdian Marcos Ramos, igazko Euskal Herriko herri lasterketen txapelketako irabazlea».

Lasterketa «herrikoia»

Lasterketea «herrikoia» izatea be bada, baina, helburu Zurrutuzak esan dauenez: «Korrikan ibiltan diran herritarrendako edegia da. Danan artean banaduko dira kamisetak, eta opariak be zozketatuko doguz». Miguel Angel Munitxa Bidezabal atletismo taldeko lehendakaria,

IBILBIDEA

Ibilbide «erraza» dala esan dabe antolatzaileek; «apur bat korrikan egiten dauen edonork egiteko modukoa»

riak esan dau lasterketa «erraza» dala; «apur bat korrikan egiten dauen edonork egiteko modukoa». Abenduaren 4ra arte emon leiteke izena.

Durangaldeko herritarrendako «aukera ona» da Euskal Liburu eta Disko Azokeari hasikerea emoteko, Zurrutuzak esan dauenez. «Baita Euskal Herri osotik datozenendako be, azokan buelta bat emotiaz ganera, lasterketan parte hartzeko». Lasterketeak Ezkurditik Zumalakarregirako bidea egingo dau, gero Galtzaretara eta San Rokera. Axtxikitik, Orozketara eta Asatasun etorbidera joango da. Inguru horretan itzuli bi egin ostenan; barriro, Ezkurdira.

Hurrengo urteetan urigunera hurreratu gura dabe lasterketea

Trenbidea pasauko dabe birritan; hori kontuan hartuta, ibilbide laburra gertau behar izan dabe, Munitxak esan dauenez. «Urigunetik nahiko aldentuta egin behar izan dogu. Ganera, Azokea dala eta, arazoak izan doguz zirkuitoa gertetako. Hurrengo urteetan, baina, alde zaharretik eta Madalenatik igarotzea gura geunke». Zurrutuzak esan dauenez, «lasterketea zelan doan baloratu beharko dogu. Abenduaren 6an kaleratu zan EGUNKARIA eta horregaitik aukeratu dogu egun hori. Gero be, Azoka egunotan egingo dogu, baina, ikusi beharko noiz».

Umeendako lasterketea be gertau dabe; eta horretarako Durangaldeko ikastetxeakaz jarri dira hartu-emonean. Antolatzaileek 500 bat gaztetxok parte hartzea itxaroten dabe. Ezkurditik 10:00etan urtengo dabe etxeko gazteenek.

ELORRIO

Esteibarlanda auzoan dagoan jolasparkeko zorua konponduko dabe

A.B. |

Elorrioko Esteibarlanda auzoko umeendako jolasparkeko zorua aldatuko dabe, laster, udal ardura-dunek. «Segurtasun neurri lez dago jarrita; umeak jolasean diharduela jausten badira, minik hartu ez daien kautxozko zorua dago. Halandabe, txarto dago. Altzauta dago eta nahiko arriskutsua da», azaldu dau Niko Moreno alkateak. Jolasparkeak 223 metro koadro inguru ditu; eta Udalak gurasoen kexa idatziak be jaso ditu. Zorua konpontzeko 14.000 euro erabiliko ditue.

ZORNOTZA

Udalak gerra sasoiko agiriak berreskuratu gura dauz

A.B. |

Zornotzako Udalak onartu barri dau 1936tik 1939ra bitarteko agiriak herrira ekarteko eskaria egitea. Salamancako Artxibo Orokorrean dagoz agiriok eta horreen kopia ekartea eskatuko dabe Eudelen bitartez.

AGENDEA

DURANGO

Zinekluba: Zhang Yimou zuzendariaren *Ni uno menos* pelikulea eskainiko dabe, gaur, San Agustin kultur gunean. Emonaldia 20:15ean hasiko dabe. **Berbaldia:** Mari Puy Herreroren *Agua fuertes* erakusketea ikusi leiteke Beitu Art Gelleryn. Hilaren 30era artean izango dira bere margolanak bertan.

ERMUA

Erakusketea: Mugartea kolektiboak eratutako margo erakusketea ikusi leiteke Teresa Murga erakustaretoan. Astegunetan 18:00etatik 20:00etara; eta, zapatuetan, 11:00etatik 13:00era. Hilaren 30era arte eukiko dabe edegita.

IURRETA

Erakusketea: Galtzagorri alkartearen *Euskal irudigileen erakusketea* ikusi leiteke herriko liburutegian. Ilustrazioan jardundako euskal artisten beharrak ikusi leitekez. Zinemariaren 28ra artean eukiko dabe edegita, 10:00etatik 13:00era eta 16:00etatik 20:00etara.

JOSEBA JAKA

Kultura sustatzailea gogora ekarri guran

«Euskal kulturen eta Durangoko Euskal Liburu eta Disko Azokearen antolakeran garrantzi handia euki dauen gizona izan da Joseba Jaka; bere beharra gogoratu ez eze, bera be omendu gura dogu». Berba horreekaz azaldu dabe antolatzaileek Joseba Jakaren Oroimenezko I. Herri Lasterketea martxan jarri izana. Azaldu dabenez, Euskal Liburu eta Disko Azokea egiten dan egun horreek jo dabez egokie-



Joseba Jakak kulturen eta euskalgintzan egindakoa gogoratu dabe

nak lasterketea egiteko. Era berean, halako herri lasterketetan parte hartzeko eukan ohiturea be ekarri gura dabe ekimenagaz, EGUNKARIA-k, Bidezabal atletismo taldeak eta Berbaro euskara alkartearak.

Kultura sustatzaile izandakoak euskalgintzan eta kulturagintzan egindakoa nabarmendu dabe antolatzaileek; eta, era berean, EGUNKARIA-ren sorreran izandako garrantzia be ekarri dau gogora, Kike Zurrutuzak, EUSKALDUNON EGUNKARIA-ko ordezkariak. Elkar eta Zabaltzen argitaletxeen sortzaileetarik bat be izan zan Jaka, besteak beste.